

فيديو ٧٨٩ من مقاطع حظر التجول تدبر سورة التوبه - الحلقة

١٠ الآية ٨٢

فاضل سليمان

السلام عليكم ورحمة الله وبركاته. اهلا بحضراتكم في المقطع رقم تسعمية سبعة وثمانين من مقاطع حظر التجول والحلقة العاشرة من حلقات تدبر سورة التوبه شفنا امبارح بعد انتهاء غزوة حنین - 00:00:00

يعني تجمع الغنائم الرهيبة الكبيرة. النبي ﷺ جمعها في منطقة اسمها الجعرانة دي كانت المنطقة اللي فيها الايه الغنائم المخزن بتاع الغنام عليه ﷺ احد الصحابة امين المخزن شفنا بقى امبارح ان الانصار - 00:00:26

شعروا بحزن لما النبي عليه الصلاة والسلام اعطى من الانفال احنا قلنا ان الغنائم بتقسم اربع تخامس يعني تمانين في المية الخمس عشرين في المية. يبقى اربع تخامس تمانين في المية يوزعوا على المقارن - 00:00:55

بيوزعوا ازاى عشان تبقو عارفين النبي عليه الصلاة والسلام كان يعطي الرجل سهم والحسان سهم فالفارس ياخذ سهمين يعني نصيبين. نصيب لهم نصيب للحسان بتاعه لان الحسان له تكلفة. بياكل وعلف - 00:01:12

وفي رعاية للحسان العشرين في المية اللي هم نصيب النبي عليه الصلاة والسلام كان ممكن يعطي منهم ﷺ هدايا بيتألف بهم قلوب الناس فلقوه بيعطي لقريش يعني مسلا اعطى ابو سفيان ابن حرب اللي هو كان زعيم قريش - 00:01:32

اه ازن مائة ناقة ده الرجال لستة اسلم اول امبارح من اسبوعين اسلم يعني كان قبلها زعيم قريش وقاد الجيوش ضدنا في احد لما لقوا الوضع كده النبي ادي ناس كتير من القبائل الاخرى وحتى قريش كمان - 00:01:55

ولم يعطيهم حزنا و قالوا رسول الله يعطي قريشا وسيوفنا تقطر بدمائهم يعني لستة دمهم ما نضفناهوش من على السيوف بتاعتنا ده احنا لستة كنا بنحاربهم اول ما دول كانوا الكفار اول امبارح - 00:02:16

وحاسين بمرارة شديدة. بعض الناس ممكن تقول لك ايه؟ ايه يا جماعة المادية دي؟ لا الموضوع مش فلوس الموضوع هو شعور بعدم الاطمئنان هو فيه ايه يعني هو هو معقول النبي مسلا يكون استفاد مننا وقت ما كان محتاجنا ولوقتي خلاص قومه اسلموا وبلده الاصلية مكة - 00:02:37

اللي اتولد فيها بقت بلد اسلامية بقى وبقت من بلاد الاسلام دلوقتي من حواضر الاسلام. يعني من مدن الاسلام. فهيتركنا بقى تعالوا نقرأ حديث ورد عن ابي سعيد الخدري والحديث هيشرح لنا - 00:03:04

عن ابي سعيد الخدري رضي الله عنه قال لما اعطى رسول الله صلى الله عليه وسلم ما اعطى من تلك العطايا في قريش وفي قبائل العرب ولم يكن في الانصار منها شيء. الانصار خدوا نصيبهم عادي في الغنائم لكن الانفال اللي هو العشرين في المية اللي النبي بتوع النبي اللي كان بيوزع - 00:03:21

منهم ما خدوش منها حاجة لما حصل كده ولم يكن في الانصار منها شيء وجد هذا الحي من الانصار في انفسهم يعني حسوا في نفسهم بحاجة حسوا وجدوا شيء من الایه من من الحزن او الغضب المكتوم او حاجة - 00:03:46

قال لك حتى كثرت فيهم القالة لدرجة ان بقى فيه كلام بيدور بينهم حتى قال قائلهم لقي والله رسول الله صلى الله عليه وسلم قومه خلاص بالمصري كده من اللي احبابه نسي اصحايه - 00:04:08

دخل عليه يعني على النبي صلى الله عليه وسلم سعد بن عبادة احنا عارفين ان ايه ﷺ زعماء الانصار كانوا السعديين. سعد بن معاذ

00:04:36 ده اللي مات بعد الاحد -

ماشي؟ اللي هو حكم فيبني قريدة ثم مات من اثار جراحه. وسعد بن عبادة دخل على النبي صلى الله عليه وسلم فقال يا رسول الله ان هذا الحي من الانصار قد وجدوا عليك في انفسهم. يعني في مجموعة كده من الانصار اللي هم الانصار اللي طالعين معنا في القتال - 00:04:49

قد وجدوا عليك في انفسهم يعني زعلانيين منك. لما صنعت في هذا عشان اللي انت عملته في توزيع الفيق الذي اصابت اللي هو ايه النصيبيك قسمت في قومك يعني اديت قسم لقومك - 00:05:10

واعطيت عطايا عظاما في قبائل العرب يعني كل من هب ودب بقى بيأخذ ولم يكن في هذا الحي من الانصار منها شيء وما ادتشن ولا حاجة لولا واحد من الانصار - 00:05:32

النبي عليه الصلوة والسلام قال له الزعيم خلي بالك فاين انت من ذلك يا سعد طب ده هم الحي ده من الانصار. طب وانت بقى يا سعد فين في القصة دي؟ يعني انت برضه حاسس بايه؟ - 00:05:49

النبي عليه الصلوة والسلام بيسأله الاول وبيستكشف عشان يشخص المرض ايه بالظبط قبل ما يبدأ يعالج قال سعد يا رسول الله ما انا الا من قومي يعني انا واحد من قومي - 00:06:10

يعني ايه؟ يعني انا متضايق زيهما انا عاوز افهم ازاى تنسانا احنا يعني هل انت بتقدرنا ولا احنا خلاص ادينا دورنا لما كان الاسلام ضعيف. ده لازم اقول لكم يا جماعة الموضوع مش فلوس - 00:06:28

الموضوع انت بتفرح لما بيجي لك هدية. بتبقى فرحان بالهدية. حلو اووي طب لما يجي لك هدية من شخص عزيم تبقى فرحان بها اكتر. وكل ما حد يخش بيتمكم تقول له انت عارف مين جاب لي ده؟ ده الوزير الفلانى. ده رئيس الوزراء - 00:06:45

هو اللي اداني الهدية دي. تبقى فرحان بها طب ايش حال بقى لما بيقي النبي عليه الصلوة والسلام اشرف الخلق هو اللي مدي لك هدية تبقى فرحان بها. طب لما تشويف عمال يوزع هدايا وانت ما ادكش حاجة - 00:07:01

تشعر بحزن كان بس ما حدش فيينا يظن في الانصار شيء وحش. الموضوع مش مادي. دول اخر ناس في الدنيا يفكروا في المادة هو بس خايفين هو في ايه يعني احنا ما بقاش لنا لازمة دلوقتي - 00:07:15

احنا للدرجة دي النبي نسيينا خالص كده زي كده بيقول ايه؟ وادخنا يعني خلاص يعني طبعا ما حدش قال الكلام ده. ده كلام كان بس آآآ مخاوف بتدور جواهم وهتشوفوا دلوقتي ان النبي ريحهم في الاخر ومش بالفلوس وما ادهمش حاجة برضو. وبقى اكتر ناس مستريخيين. ازاى بقى؟ هنشوف - 00:07:35

قال النبي صلى الله عليه وسلم فاجمع لي قومك في هذه الحظيرة حظيرة يعني مكان مقول اجمعهم لي جوة اجتماع مغلق يعني واضح انكم بقى مش فاهمين حاجة. تعالوا افهمكم انا اديت الناس كلها وانتم بالزات ما اديتكوش حاجة ليه - 00:08:00

قال فجاء رجال من المهاجرين فدخلوا. ساب المهاجرين يدخلوا يحضروا الاجتماع وجاء اخرون فردهم الناس اي حد غير المهاجرين والانصار ما يدخلش الاجتماع ده. ده اجتماع مغلق للباء المؤسسين - 00:08:24

عارف يعني ايه الباء يعني للمؤسسين اللي اسسوا المجتمع الاسلامي انما الناس اللي لسة داخلة اول امبارح دي لا لا لكم برضه يعني ده ده الایه؟ الفاوندرز الناس اللي هم اللي اسسوا آآآ دولة العدل والاحسان. اجتماع - 00:08:51

اجتماع طارى لهم اساسا مع الانصار واذا حد من المهاجرين عايز يحضر اهلا وسهلا. يحضر عشان يسمع بقى برضه هو كمان ايه اللي حصل لكن الناس الجداد ما يحضروش فلما اجتمعوا ده الحديث - 00:09:10

اتى سعد ابن عبادة اتكلم بقى. قد اجتمع لك هذا الحي من الانصار يا رسول الله افضل الناس مجتمعة جوة فدخل سيدنا محمد عليه الصلوة والسلام عليهم بقى فاتاهم رسول الله وهم جوة كلهم في الحظيرة مقول عليهم - 00:09:24

اجتماع ما فيش حد سامع غيرهم فحمد الله واثنى عليه بما هو اهلة السنة ان الانسان قبل ان يبدأ كلامه او يبدأ خطبته يحمد الله ويثنى عليه. الحمد لله والصلوة والسلام على رسول الله - 00:09:44

لازم يحمد الله ويثنى على الله ثم قال ركزوا بقى يا جماعة يا معاشر الانصار مقالة بلغتني عنكم وجدة وجدتموها في انفسكم يا جماعة الخير يا انصار كلام بلغني عنكم - 00:10:00

وجدة وجدتموها في انفسكم. وكمان جواكم في حاجة في نفوسكم مش مريحاكم سمعتم انكم بتقولوا كلام كده وانكم متضايقين الم اتكم ضلاا فهداكم الله بي وعالة فاغناكم الله بي. واعداء فالله بين قلوبكم - 00:10:31

هو مش حقيقي ان انا لما جيت لكم من تسع سنين كتتم ضلالا بتعدوا اصنام فربنا هداكم بي وعالة يعني فقراء وربنا اغناكم بي بالنبي ربنا اللي بيغنى بس بالنبي عليه الصلاة والسلام. بمجيئه له - 00:10:57

وذكرهم بعداوتهم لبعض واعداء فالله بين قلوبكم مش كتتم اعداء ده انت كتتم الاوس والخرج بتديحو بعض بقيتوا احباب بي برضو وقالوا لله ولرسوله المن والفضل النبي بيفكرهم. بيفكرهم بفضل ربنا عليهم. هداهم للايمان - 00:11:20

اغناهم بعد الجوع والفقر وخلالهم اخوات واستبدل الكراهية اللي بينهم الى حب بين الاوس والخرج. اتقلبت حب دي معجزة وبعد ما قال لهم مش حصل ان ربنا هداكم بي واغناكم بي وقلب اللي بينكم حب بي - 00:11:54

وساكتين فقال الا تجيبيوني يا معاشر الانصار انت مش بتروا ليه مش دي نعم ربنا عليكم اللي جعلني سبب في حصولها لكم قالوا بماذا نجيبك يا رسول الله؟ لله ولرسوله المن والفضل. ايوه طبعا طب ما حدش بينكر المن؟ ما حدش بينكر الفضل بتاع ربنا و بتاع - 00:12:14

عليينا قال بقوا بقى دي هنا عارف انت اما تكون بتحاول تقنع حد فتلعب دور الديفيل ادفوكيت. يعني بتلعب دور محامي الشيطان قال لهم قال اما والله لو شئتم لقلتم - 00:12:36

ولصدقتم ولصدقتم جئتنا طريدا فآويناك وعائلا فواسيينا وحائفا فامناك ومخذلا فنصرناك ومكذبا فصدقناك دي وساوس الشيطان اللي ممكن يدخل بها عليهم. ومش هيتكلموا. هيقولوا بس مكسوفين منها بس حاسين بها جواهم. فالنبي عليه الصلاة والسلام. هم - 00:12:55

هنا لعب دور محامي الشيطان وقال لهم لعلمكم بقى انت ممكن جدا تقولوا الاتي. ولو قلتم كده تبقو صادقين فعلا واي حد هيسمع هيقول صداقته هيصدقكم طبعا. انت مش بتقولوا حاجة غلط - 00:13:32

ممكن تقولوا جئتنا طريدا فآويناك انا هحط لكم الحنة دي اه جئتنا طريدا فآويناك يعني كنت مطرود من بلدك واحنا اللي قويناك في بلدنا ما حدش يقدر ينكر وعائلا فواسيينا - 00:13:48

وحملة تقبيل واحنا خففناه عنك مم وحائفا فامناك انت كنت معرض للقتل ومعرض للاغتيال في كل لحظة قعدت مع ابو بكر تلت تيام مختفين مستخبيين جوة غار الكل خذلك ما حدش ساعدك غيرنا - 00:14:21

ومخذلا فنصرناك. خلي بالك هم ما قالوش كده. هم لم يقولوا هذا. هو النبي بيقول لهم ده انت ممكن جدا تقولوا الكلام ده يعني الشيطان ممكن يدخله جواكم. ولو قلتوه ما حدش يقدر ينكره - 00:14:51

ومخذلا فنصرناك مم ومكذبا فصدقناك انت الكل خذلك واحنا اللي ساعدناك. انت الكل كذبك واحنا بس اللي صدقناك النبي عليه الصلاة والسلام بيقطع الطريق على الشيطان وعلى النفس الامارة بالسوء انها تستغل هذا الفضل. فيبيقول لهم - 00:15:05

وانا فاكر كوييس جدا. كل افضالكم علي خلي بالك بقى انكار فضل الناس عليك يفتح باب شر كبير جدا ما ينفعش تقف تقول لهم انا ربنا هداكم بي وخاص لأ. وكمان تقول لهم وانا فاكر ايضا فضلكم علي - 00:15:34

الاعتراف بفضل الناس ده بيغلق ابواب شر ويبيفتح ابواب التفاهم والصالح والتسامح. لذلك انا ارى ان الخطبة دي الخطبة التاريخية تدرس المفروض في في كليات الاعلام تدرس في فن التفاوض. تدرس في فن كسب قلوب الناس - 00:15:55

اسمع علومي بقى اوجدمت علي يا معاشر الانصار في انفسكم في لعاعة من الدنيا تالت بها قوما ليسلموا ووكلتكم الى اسلامكم الا ترضون يا معاشر الانصار ان يذهب الناس بالشاء والبعير وترجعون برسول الله الى رحالكم - 00:16:19

فوالذي نفس محمد بيده لما تنقلبون به خير مما ينقلبون به ولولا الهجرة لكتت امرا من الانصار ولو سلك الناس شعبا وواديا وسلكت

الانصار وشعباً وواديها لسلك شعب الانصار وواديها - 00:16:53

الانصار شعار والناس دثار اللهم ارحم الانصار وابناء الانصار وابناء ابناء الانصار فبكوا حتى اخدمت لحاظهم هفهمكم بقى ايه معنى الكلام ده اصلاً. الكلام ده خطير جداً. هنحلله بقى حنة حنة كده - 00:17:19

اوجدمت علي يا معشر الانصار في انفسكم في لغاية من الدنيا تالفت بها قوماً ليسلموا وهو وكلتكم الى اسلامكم خلي بالك النبي كان لسة بيقول لهم ايه انا معترف بفضلكم. انت ممكن تقولوا انت كنت مكذب واحنا صدقناك. انت كنت خائف واحنا قويناك. انت كنت مطرود واحنا قويناك. ممكن تقولوا الكلام ده - 00:17:39

ده كله وتبقووا صادقين ما حداش يقدر ينكره وبعد كده راح قالب الترايبيزة عليهم وقال لهم بقى كمان ها لازم تفهموا ان انا برضه من حقي ازعل لما الاقيكم - 00:18:08

بتزعلوا مني عشان لغاية من الدنيا. يعني ايه لغاية؟ اللغاية يعني الفتافيت اللي بعد ما بتاكل وبتشيل طبقك كيف تقييد كده حوالين الطبق دي اللغاية شوية فتافيت ليس لها قيمة - 00:18:21

شوية جمال وشوية خرفان الدين ده كم جمل وده كم خروف. شوية فتافيت برقق بها قلوب الناس اللي لسة اسلمت دية عشان تثبت شوية هدية من هنا وهدية من هنا ده اسمه تأليف اسمهم المؤلفة قلوبهم. عشان الناس تثبت في الاسلام. بيقى اللي انا شايفه مش سابت - 00:18:39

في الاسلام بادي له هدية انما انت وكلتكم الى اسلامكم عارف قوة ايمانكم يعني انت المفروض تزعلوا لو اديتكم بقى اللي في حضانة واولى ابتدائي زي اللي معه دكتوراة! انا ونقت في ايمانكم فلم اعطيكم اية. اه انا فعلنا لم اعطيكم لأن مش محتاج - 00:19:05
اعطيكم عشان اثبتكم على الاسلام الا ترضون؟ اسمع بقى دي كانت اللي هم كانوا منتظرينه هي دي اللي صالحتهم يا جماعة الا ترضون؟ يا معشر الانصار ان يذهب الناس بالشاء والبعير وترجعون برسول الله الى رحالكم. ده اللي ريحهم ليه بقى - 00:19:29
الحالة النفسية تخيل نفسك انت من الانصار كده بتحب النبي جداً وانت عشت معه الفترات الصعبة. وبعد تمان سنين بلده اتفتحت مكة فتح والهارجيين فرحانين بالنصر وفتح بلدتهم تاني تشعر بايه - 00:19:51

القلق ليه الناس اللي انت بتحبهم دول خلاص رجعوا بلدتهم بقى هيسيبوك ويروحوا يعيشوا في بلدتهم روحهم روحهم في رسول الله وفي المهاجرين كمان بيحبوهم جداً فهم في حالة نفسية سيئة جداً - 00:20:16
فاعلن لهم النبي انه لن يترك المدينة هذا اعلان انه سيحكم الدولة من المدينة والمدينة هي العاصمة هو ده معناها الا ترضون يا معشر الانصار ان يذهب الناس بالشاء والبعير - 00:20:35

كل واحد رجع بشوية خرفان وشوية آآ جمال. وترجعون برسول الله الى رحالكم انا راجع معكم دي كانت القشة ده اللي ده اللي خلاهم يشموا نفسهم ربنا لما وصفهم الانصار وصفهم ازاى في القرآن - 00:20:54
قال يحبون من هاجر اليهم. دا وصفهم في القرآن النبي عليه الصلاة والسلام بيحب مكة جداً بلده وهي اشرف بقاع الارض وقدس بقاع الارض وهو بيتركها من تسع سنين الدموع في عينيه وبيبص لمكة وبيقول والله انك لخير ارض الله واحب ارض الله - 00:21:13

ولولا ان اهلك اخرجوني منك ما خرجمت ومع ذلك المدينة اللي قوته ونصرته اصبح يحبها. ايضاً. فبقي عنده وطنين الوطن اللي اواده ودمعه لم ينسى له ذلك ولم يتركه واستمر الى ان مات - 00:21:45

وطنه الجديد في المدينة ثم قال وفكراهم على فكرة انا مش غريب عنكم انا اصلاً منكم يعني. انت اهلي قال لهم ولولا الهجرة لكنك امرأً من الانصار ليه؟ يا جماعة السيدة امنة بنت وهب ابن وهب من يشرب اصلاً. يعني - 00:22:12

عبدالمطلب جد النبي لما حب يجوز ابنته عبدالله اللي هو ابو النبي عليه الصلاة والسلام اخدوا وراحوا الى آآ آآ يشرب اسمها المدينة لسه واتجوزوا اختين امنة بنت وهب واحتها اسمها ايه؟ حاجة بنت وهب - 00:22:32

آآ لا لا يعني اتجوزوا اتجوزوا آآ اتنين آآ وحتى اللي تزوجها جابت حمزة وامنة جابت محمد فسيدنا حمزة اقرب اعمام النبي له سنا

ويعتبر ابن خالته المهم فيفكروا ان هو اصلا عيلة امه من من يشرب من بلدهم ولولا الهجرة لكون امرأ من الانصار - 00:22:54
اسمع بقى ولو سلك الناس شعبا وواديا وسلكت الانصار شعبا وواديا سلكت شعب الانصار وواديا. الانصاري وواديا لو الناس راحت من طريق الانصار من طريق تاني انا همشي معكم انتم في طريقكم - 00:23:27

ايه الجمال ده! ايه الدعم النفسي ده كلام طبعا يرفع المعنويات جدا. وفيه شرف كبير جدا للانصار. ثم قال الانصار شعار والناس دثار يعني ايه بقى ؟ الشعار هو الملابس الملاصقة للجسد. بلغتنا النهاردة الفانلة الداخلية - 00:23:44
الدثار هو ما يتذرث به المدثر. يعني البدلة الخارجية. العباية اللي بتتحط على الكتف فقال لهم انتم اقرب الناس الى قلبي انتم ذي الفانلة الداخلية كده اللهم ارحم الانصار وابناء الانصار - 00:24:06

دعا للبناء الانصار واحفاد الانصار في احياء علوم الدين يقول لك اذا اردت انك تررق قلب انسان وتجعله يشعر بحبك اسألوا عن اولاده ادعى لاولاده تخيل لما حد يقابلوك ويسألوك عن اولادك وتلقيه فاكرهم بالاسم مع ان انت اخر مرة قابلته كان من فاكر ولادك بالاسم - 00:24:30

فالانسان يهمه جدا لاولاده يا جماعة. هم اه فبكى القوم حتى اخضروا لحاظهم وقالوا رضينا برسول الله صلى الله عليه وسلم قسما وحظا ثم انصرف رسول الله وتفرقوا - 00:24:55
ال القوم الانصار بقوا لغاية ما بقت اللحى بتاعتهم آآ مبلولة. مبلولة من الدموع وقالوا رضينا برسول الله قسما. يعني بيقى النصيب بتاعنا الرسول ده بالنسبة لنا كفاية مش عايزين لا جمال ولا خرفان - 00:25:28

ولا غيره وتفرقوا خطبة تاريخية تدرس المهم بعد كل ده راح النبي خل بالك بقى راح للنبي قادة هوازن يطلبون منه انه يرد عليهم كل اللي راح منهم ده كل شيء راح كل ده كارسة - 00:25:46

النساء والاولاد والاموال ما هو الغبي اللي كان بيقودهم اللي قال لهم طلعوا كل حاجة معكم ومش عارف ايه وفي الاخر خالص راح كل حاجة نسائهم وعيالهم سبي سبي. يعني ايه؟ يعني بقوا عبيد واماء. ليه؟ لأنهم كانوا بيسعبدوا العبيد والاماء - 00:26:07
وده اللي لازم تشوفوه في الحلقة اللي هعمل لها شير النهاردة ان شاء الله بتاعة الرق المسلمين مش بيسترقوا الاسرى الا لو العدو بيسترق الاسرى هو وانا شارحها وجايپ الاية بتاعة سورة محمد وكل حاجة - 00:26:29

وتجدوا ان المسلمين لم يسترقوا احد من قريش ابدا. ليه؟ لأن قريش ما كانتش بتسترق الاسرى. خلاص. لكن دول كانوا بيسترقوا الاسرى المسلمين يدخلوا الحرب بناء على الشروط واحدة شروط متبادلة عشان بيقى فيه عدل في المسألة - 00:26:47
ارجو تتفرجوا على الحلقة يعني. النبي قال لهم يعني قانونا قانونا النبي لا يستطيع ان يتصرف في تمانين في المية ان ده ملك المجاهدين والجنود. ما يقدرش قال لهم بصوا - 00:27:07

اختاروا بين الاموال وبين السببي عايزين الخرفان والمعيز والجمال والدنانير الذهب والفضة والكلام ده ولا عاوزين السببي يعني زوجاتكم واولادكم واختاروا السببي طبعا خلاص بدل ما بيقو عبيد نبقى نقول لهم بصوا. نصيبي انا وبني هاشم - 00:27:24
البيت انا هعرف اتفاهم مع بني هاشم واصلا ده النبي ده حقه انه يتصرف في دول خلاص فقال المهاجرون ونحن نصيبي لرسول الله يتحكم فيه كما يشاء. والهاجرين اتبرعوا بنصيبيهم من السببي في التمانين في المية. فقال - 00:27:50

ما هم واخدin في تمانين في المية. ونحن نصيبي لرسول الله فرجع لهوازن نسائهم واطفال ما عدا قبيلتين اتنين قالوا لأ احنا متمسكين بنصيبينا اظن تميم ومش فاكر القبيلة الثانية ايه وخلاص. لكن معزز السببي رجع للناس - 00:28:17
خلي بالك هنا بقى عايز ارجع تاني ازاي الانصار بعد ما كانوا اصلا زعلانين ما خدوش في العشرين في المية يقبلوا انهم ما ياخدوش العشرين في المية وكمان يرجعوا التمانين في المية اللي واخدin ليه - 00:28:38

عشان القيادة الحكيمة بتاعة الرسول عليه الصلاة والسلام لم يتتجاهل المشكلة ودي الدروس والعبر اللي ناخدها. المشكلة كانت في نفوس الانصار وسمع من القائد بتاعهم انه جواهم كلام عمال يتناقل - 00:28:59
القائد ما ينفعش يتتجاهل الحالة النفسية بتاعة الجيش النهاردة هي حالة نفسية جوة الناس. بكرة تبقى فتنة وتبقى تمرد فالازم القائد

يعالج الامور دي ويرفع الحالة المعنوية بتاعة الجيش بتاعه - 00:29:16

ثانيا لم يسمح لاحد الا لاخوانهم المهاجرين بالحضور واكلين عيش وملح مع بعض. فهيدقروا مشاعرهم وعارفين قدرهم وعارفين
فضلهم على الاسلام مش هيৎكسفوا لما الكلام ده يدور قدامهم لكن اللي ما عاش الايام الصعبة - 00:29:33

اللي في اول ست سنوات اللي كان آآآآ بيتقسم فيها الرغيف بين اسرتين مش هيقدر يفهم موقف الانصار. ممكن يشعر بشعور معادي
للانصار. يفتكرهم طماعين. لكن ده يدينا صورة عن مدى الاخلاص - 00:29:52

اللي كان عند الصحابة كلهم. قال الشافعي رحمة الله ان الله اثنى على اصحاب محمد صلى الله عليه وسلم في التوراة والانجيل
والقرآن وقال لهم الذين ادوا لنا سنن رسول الله. احنا عرفنا منين سنته؟ منهم هم - 00:30:12

عرفنا منين الاحاديث منهم هم شاهدوه والوحي ينزل عليه فعلموا ما اراد النبي عاما وخاصا. ده كلام الشافعي عنهم وعزم
وارشادا وعرفوا من سنته ما عرفنا وما جهلنا. هم اعرف منه بنا - 00:30:34

وهم فوتنا في كل علم وكل اجتهاد وكل ورع وكل عقل. ما حدش ابدا يفتكر نفسه احسن من الامر احسن من الصحابة واراؤهم لنا
احمد واولى بنا من ارائنا. عندهنا لانفسنا. بيقول ده الشافعي واحد من اعلى - 00:31:00

العلماء في التاريخ الاسلامي قال لك في النهاية خالص اراء الصحابة على راسي انا من فوق ولازم احترم اراء الصحابة اكتر من رأيي
انا نفسي قال لك وقبل كل شيء - 00:31:22

الفضل الاكبر بقى. هم الذين اختارهم الله لصحبة خاتم النبيين خالص ناخد بقى اية النهاردة عشان ما نبقاش النهاردة ايه ما خدناش
ايات خالص يا ايها الذين امنوا انما المشركون نجس فلا يقربوا المسجد الحرام بعد عاهمه هذا وان خفتم عيلة فسوف يغبنيكم الله من
- 00:31:36

من فضله انشاء ان الله علیم حکیم الكلام هنا لمین بقى يا ايها الذين امنوا حلو اوی. دول اللي هم مین المقاولین والانصار لا خالص
دلوتي النداء ده بيشمل ناس كتير. ده بيشمل الطلقاء. بيشمل اهل مکة اللي لستة مسلمین اول امبارح وبيتعلموا يتوضوا. وبيتعلموا
00:32:01

المضمضة والاستنفار بتعلمه فيبيقول لهم من هنا ورایح المشرکین مش هيدخلوا مکة تانی ومعظم اهل مکة اللي دخلوا الاسلام دول
تجار وعتمدين في رزقهم على التجارة وعلى السياحة الدينية الناس جاية عمرة وحج بتشتري من الدکاکین عندهم وبتعمل لما
ربنا ينزل قرار ان ما فيش مشرکین هيدخلوا خالص - 00:32:23

هم كده هيقلقو اول حاجة هيقلقو عليها رزقهم حجيج بيحوا بالالاف في موسم الحج والعمرة. فلما ربنا يمنع المشرکین. اول حاجة
الانسان بيفكر فيها رجل الاعمال ايه؟ البيزنس بتاعه البيزنس بتاعه في مکة. هيفكر في - 00:32:56

بيزنس على طول فربنا قبل ما يطمنهم على رزقهم بين لهم العلة ليه المشرکین بالعقيدة الشرکية بتاعتهم دي يعتبروا نجاسة لا تصح
انها تكون في المسجد الحرام. يا ايها الذين امنوا انما المشركون نجس. نجاسة معنوية وليس مادية - 00:33:09

يعني ممكن المشـرك ياخـد دـش ويـستـحـمـي ويـحـطـ بـرـفـانـ وـبـتـاعـ وـبـيـقـىـ بـيـرـقـ كـدـهـ.ـ لـكـنـ الـاعـتـقـادـ الشـرـکـيـ دـهـ يـجـعـلـ منـهـ نـجـاسـةـ.ـ ما
ينفعـشـ يـدـخـلـ المسـجـدـ الحـرـامـ اـزـاـ نـجـاسـةـ مـعـنـوـيـةـ بـسـ.ـ مشـ مـحـتـاجـ تـفـسـلـ اـيـدـكـ بـعـدـ ماـ تـسـلـ عـلـىـ وـشـكـ.ـ لـأـ عـادـيـ - 00:33:36

فـلاـ يـقـرـبـواـ المسـجـدـ الحـرـامـ بـعـدـ عـاـهـمـهـ هـذـاـ مـاـ قـالـشـ فـلاـ يـدـخـلـواـ المسـجـدـ الحـرـامـ.ـ لـأـ فـلاـ يـقـرـبـواـ المسـجـدـ الحـرـامـ.ـ يـعـنـيـ مـكـةـ كـلـهـ مـشـ
هـيـدـخـلـوهـاـ.ـ مـشـ بـسـ المسـجـدـ مـكـةـ كـلـهـ خـاـيـفـينـ اـحـنـاـ بـقـىـ عـلـىـ بـيـزـنـسـ قـالـ لـهـ وـانـ خـفـتمـ عـيـلـةـ فـسـوـفـ يـغـنـيـکـمـ اللهـ مـنـ فـضـلـهـ اـنـ شـاءـ -
00:33:55

ان الله علیم حکیم طبعا البيزنس ممكن يتأثر ورجل الاعمال واي انسان متعود على مصادر دخل معينة لما يجد ان المصادر دي
اتقفلت هيقلق واحد عنده مطعم وبيقدم خمور واحد عنده فندق فاتح فيه ملهى ليلي وبيقدم خمور. عشان ينزل له قانون فجأة -
00:34:22

بيع الخمور من النهاردة اتوقف الملاهي الليلية تغلق هيقلق بس هو هيقف هيتمثل لهذا ابتغاء مرضات الله. بس محتاج كمان يتوكل

على الله. فربنا بيقول له وان خفتم عيلة يعني ان يبقى عندكم حمل مادي او عباء مادي - 00:34:47

انكم يقول لك متزوج ويعول. يعني عنده اعباء مالية. وان خفتم عيلة فسوف يغنيكم الله من فضله ان شاء ربنا هيفغئكم. توكلوا عليه. بس مش اكيد كمان انشاء يعني ازا ربنا شاء ان يعوض عليكم هيعوض عليكم. بس ممكن ما يعوضش برضو - 00:35:09
اه يتوقف على ايه بقى ان الله علیم حکیم علیم بمصلحتکم ومصلحة الاسلام. مش بالضرورة الفلوس والغنى يكون خير علشانك يعني لو الفلوس والغنى هتخلي حد من عيالك يشرب مخدرات ويدمن انت هتتمنى انك ما كنتش جت اصلا. وانك كنت عشت على قدک - 00:35:34

مین اللي يعلم الغیب الله سبحانه وتعالی عشان کده ربنا بيقول ایه وان خفتم عيلة فسوف يغئیکم الله من فضله ان شاء طب ده متوقف على ایه ؟ ان الله علیم حکیم - 00:35:56

والحکیم الذي یعلم ما في صالحکم فان کان یعلم ان في صالحکم ان یغئیکم فسیغئیکم ونتوقف هنا اللیلة. اللهم انا نسألك حبک وحب من یحبک وحب كل عمل یقربنا الى حبک - 00:36:13
اللهم ما رزقتنا ما نحب فاجعله قوة لنا فيما تحب. وما زویت عنا مما نحب فاجعله فراغا لنا فيما تحب اللهم اجعل حبک احب الینا من اهلينا واموالنا ومن الماء البارد على الظمة. اللهم حببنا اليک والى ملائکة - 00:36:30
وانبیائک ورسلک وعبادک الصالحین. واجعلنا من یحبک ویحب ملائکتك وانبیائک ورسلک. وعبادک الصالحین اللهم احی قلوبنا بحبک. واجعلنا لك كما تحب. اللهم اجعلنا نحبک بكل قلوبنا. ونرضیک وبكل اجسادنا. اللهم اجعل حبنا کله لك وسعينا کله في مرضاتک. اللهم اجعل القرآن الكريم ربيع قلوبنا - 00:36:50

ونور صدورنا وجلاء احزاننا وذهب همومنا وغمومنا ومغفرة ذنوبنا. اسأل الله العلي العظيم ان يجعل هذا التدبر في ميزان حسناتی وحسناتکم جميعا. اللهم فاطر السماوات والارض عالم الغیب والشهادة. انت - 00:37:20

بین عبادک فيما كانوا فيه یختلفون. فبحق کل حرف في كتابک تلوناه او تدبرناه اکفنا واهلينا واخواننا اخواتنا شر کل من یکید لنا ولهم. واحفظنا وایاهم من شرورهم. ونجعلک اللهم في نحورهم فانت الوکيل ولا حول ولا قوۃ الا - 00:37:40
اللهم بحق کل حرف في كتابک تلوناه او تدبرناه اید بنصرک المرابطین في الارض المبارکة فلسطین. اللهم سدد رمیهم وخیب رمی عدوهم وتقبل شهداءهم وانصرهم في جهادهم مع اخواننا في تركستان الشرقیة وفي الشام وفي کشمیرا وفي الهند - 00:38:00
وانصر من نصرهم واحذر من خذلهم وطهر المسجد الاقصی من الدنس فانهم لا یعجزونک. واكتب لنا يا ربنا ختم القرآن اللهم انک تعلم ان هذه القلوب قد اجتمعت على كتابک وعلى محبتک. والتقت يا ربنا على طاعتك - 00:38:21

وتوحدت على دعوتك وتعاهدت على نصرة شریعتک. فوثق اللهم رابطتها وادم ودها واهدها سبلها واملأها بنورک الذي لا یخبوه
واشرح صدورها بفیض الایمان بك وجمیل التوکل عليك واحیها يا ربنا بمعریفتک وامتها يا مولانا على الشهادة في سبیل - 00:38:41
سبیلک انک نعم المولی ونعم النصیر. وصل اللهم وسلم على محمد وعلى الله وصحبه ومن تبع هدایه. والسلام عليکم ورحمة الله نراکم
غدا باذن الله في نفس هذا الموعد ان کنا من اهل الدنيا - 00:39:05